

續修四庫全書



《續修四庫全書》編纂委員會編

續修四庫全書

上海古籍出版社

一四八四・集部・別集類

賞雨茅屋詩集二十二卷

賞雨茅屋外集一卷

〔清〕曾燠撰

賜綺堂集二十八卷

〔清〕詹應甲撰

嘉慶己卯重編

賞雨茅屋詩集

序

自來文人學士一旦致身通顯而焚棄筆墨者比比皆是。何哉？珠服玉餼進於前，齊謳楚舞陳於後，蕩心蠱志，則移於色聲者有之；冒賄無藝，固位是求，則奪於名利者有之；其或才識拘局，迷悶簿書，中日不暇給，所謂一行作吏，此事遂廢者，又有之。然則登高無賦，手而從宦，少詩人是秋蘭見敗於當門，而夏蟲不可以語冰也。若賓谷都轉處淮揚靡麗之區，而澹於嗜欲，依然寒素，又能撥煩剝劇，游又有餘公事餘閒，時與賓從賦詩為樂，闢題襟館於署後，周植花木為唱和之所。過

賞雨茅屋詩集序

江名士躡屣而趨，決擇既精，造詣益上，屈指官斯土者自

國朝以來，無慮數十輩，而若風吹網，所過無聞。獨賓谷挾其縱橫跌宕之才，以雄視乎當世，令人愛之慕之。比于香山六一玉局諸老，不其偉與？顧吾嘗讀其詩而知其所為之不易也。今夫耶谿之鋌赤山之精甚寶貴也，然欲躍冶而求為鑄，鉞則必使豐隆奮錐，飛廉扇炭，萬碎千灌，而後蓮鈿鱗鈇神器乃成。今請以賓谷之詩而援風胡子之說，證之其體之廣大也，如登高山臨溪澗也，其氣之奔放也，巍巍翼翼如流水之波也，其律之渾

賞
賞
雨
雨
茅
茅
屋
屋
詩
詩
集
集
外
外
集
集

〔清〕曾燠撰

據湖北省圖書館藏清嘉慶二十四年刻增修本影印原書版框高一八五毫米寬二七二毫米

瀨而森嚴也如珠而不可枉也其音節之抑揚高下中宮中商也若流而不絕也而要其陰陽開闔歷變化呼喻而後發之者豈一日哉孔子云仕而優則學賓谷之子學蓋又淡矣余與君先人文木公為同年生每憶君弱冠趨庭天骨秀發問示所業劾唐儵爚已如昆吾之出匣中今忽忽二十餘年乃得於紅橋白塔閒重附賓筵互為酬唱而君成就之大已如是臨風搔首白髮飄蕭俯仰之間宛如隔世讀君集而敘之既幸見君之盛而又惜余之老而將衰也錢塘吳錫麒撰

賞雨茅屋詩集

序

二

序

余序賓谷詩三年而不成賓谷謂之同游之士謂之余亦自詆之雖然余卒無以序賓谷詩乎哉今有以高一世之才空一世之氣早踐清華出膺臚仕據江山風月之勝兼文章賓客之能如是其於吾人遭際亦必得乎曰不可必得矣今有處得為之地蒙非意之干負饒樂不可勝之名抱詰屈不自存之慮隱憂顯責萃於前騰嘲竦誚交於後摧太牙角自同於庸敬裏奇橫雷轟腸腹如是亦有樂焉乎曰無所樂之矣以無所樂之心居不可得之境榮觀歲仍孤危日至繇是悄悄焉悄悄焉有苑而結有萌而達有所可言不可言有所得言不得言有所欲言不欲言相雜起伏一息萬端而其所欲言可言得言者一旦得諸心而注諸手如泉焉咽乎豁豁之間屈折乎迴谿枉渚高高下下忽而墜壑為渴驥為怒貌如雲焉觸石而起蔽虧乎巖厓隔限乎林麓二色而霽三色而素五色而卿象為牛馬或為樓臺如風焉飄飄然起於無何有之鄉經乎廣漠薄乎畏佳盛怒乎土囊之口察者叫窪者突白者喙忽而拔木蜚瓦掛山倒海雨雪總至鬼神下來若然者自古詩人之遭也自古詩人遭之賓谷亦遭之然則世所羨賓谷而賓谷

賞雨茅屋詩集

序

三

所無以自申者天直以是往復磨厲成就賓谷而昌其
詩賓谷爲人敏達而恢疏文字之好最篤其於文無所
不能而講於詩者尤詳爲翰林曹郎不異諸生時爲轉
運使不異翰林曹郎時今所錄存曰賞雨茅屋詩者裁
入卷蓋其謹又如此咎有議歐陽氏窮而後工之說爲
未足以盡詩人余獨不然夫窮非必以貧賤也有時富
貴而窮乃窮之彌甚者也賓谷雖天性工詩非必有藉
乎窮要凡所以往復磨厲成就之如此何一非天之所
爲併氣積力以昌之而賓谷詩亦遂行天下其詩蓬勃
也如風瀾漫也如雲澎湃也如泉讀者之所見也而所

賞雨茅屋詩集

序

四

有觸於石有咽乎谿有怒乎土囊之口者世或不具
知余窮者徒也故遲之又久獨操歐陽氏之說爲之序
雖固窮者之謫言哉後將有慨然而得古今之變者在
於是嘉慶八年十月長洲王芑孫序

序

詩至於今夥矣盛矣操觚之士列韵之徒人自握珠家
咸亨帝雖華實殊尙豐約異觀類欲雄瞰末流高掩前
哲羅八殯以喻廣引四瀆而比滾窮變於品彙摭奇於
幽怪然而五章備采色分正間六律宣音聲別雅鄭燭
龍懸照而熠耀亦逞其光雕虎炳文而狸狽或侔其貌
乃至時工縱削而般倭舍斤佚女弄姿而施姬斂衽往
往然矣語其機杼內操規繩外立鬱爲文棟蔚爲詞宗
者蓋未云數觀也賓谷先生蛟龍入懷星辰在手條貫
列代包絡羣才自螭均豪筆 鳳闕陳書固已扞藻木

賞雨茅屋詩集

序

五

天熏香粉署洎持函蕩出理牢益立絲莖於淮東主敦
槃於海內乃極一時之盛焉夫以綺歲振纓華州建纛
而簿領少暇卽事縹緗嗜好俱恬獨耽嘯詠吮豪官閣
盡日簾垂犖楮賓筵中宵燭燦非夙性由天英襟命世
何能若此哉當其意牽今感曾觸古悲精思默往則雷
電無聲神機驟來則弓刀自躍遂以吐納騷雅驅掃齊
梁骨壯聲沈情辛味旨其蒼涼婉鬱馳騁偏反誠浣花
之遺軌玉局之傑構也閒爲清峻之作時出流麗之篇
能事非一餘技而已夫豫章千尋斯有翻風之勢餘艘
萬斛斯有截海之能菴藺軒芋莫壯於平林蘭槩蓀燒

詎勝於巨浪是知才崇者力肆氣盛者詞充加以心類
密抽言泉細酌所以綱維衆製締創一家者乎釣願魚
無網以羊補牢薄游蕪城久依蓮府竇鞏附蘭亭之唱
常以為慙鄧魴喜香山之詩差有所見頃者辱問弁言
辭不獲命輒竊其緒論助以妄談若夫東野苦吟俗韓
名為重宛陵窮句待歐敘而彰他日拙集哀成願以傳
斯例也臨川樂鈞識

賞雨茅屋詩集

序

六

賞雨茅屋詩集目錄

卷之一

古今體詩九十首

卷之二

古今體詩六十七首

卷之三

古今體詩七十四首

卷之四

古今體詩六十二首

卷之五

賞雨茅屋詩集

目錄

古今體詩七十一首

卷之六

古今體詩一百七首

卷之七

古今體詩八十首

卷之八

古今體詩八十二首

卷之九

古今體詩六十四首

卷之十

古今體詩七十三首

卷之十一

古今體詩七十八首

卷之十二

古今體詩六十五首

卷之十三

古今體詩六十一首

卷之十四

古今體詩六十二首

卷之十五

賞雨茅屋詩集

目錄

古今體詩五十一首

卷之十六

古今體詩六十三首

卷之十七

古今體詩八十三首

卷之十八

古今體詩五十二首

卷之十九

古今體詩五十五首

卷之二十

二

古今體詩七十七首

卷之二十一

古今體詩七十二首

卷之二十二

古今體詩五十三首

賞雨茅屋詩集

目錄

三

賞雨茅屋詩集卷之一

盱江 曾煥

古今體詩九十首

初發章江

江天望不極浩浩接彭蠡窮鄉一眇躬涉世此方始朝
雲卷復舒暮雁落還起茫然信風帆怵惕靡所恃昨登
滕王閣言念古先士子安方妙齡慷慨悲逝水文心
何哀鬱鬱以天死人生不知命何處容吾趾

雜詩十五首

江河日千里上古憂滔天為問發源處其流乃涓涓鶴

賞雨茅屋詩集 卷之一

巢定風中蟻穴坏雨前化機恆甚微人意疏未然古事
有徵驗庶幾攷陳編姬公妙觀象履霜識冰堅

北園有異卉凌冬發其華離離出霜雪灼灼麗雲霞陽
和本何偏茲獨意所加松檜益老醜桃李無芳葩主人
自怡悅過者徒驚嗟驚嗟未云已花色若矜喜豈料蛾
眉讒謂是木妖耳翦伐其毋辭春工亦難恃

黃河天上來萬里挾風驚滾滾秋雪翻欲欲霹靂怒下
滾不測底旁徒無恆處蛟螭喜得人葬骨詎知數請公
無渡河公竟渡河去去者不能返來者復奔赴哀哀麗
玉歌晨夕愴盈路

曠日綠楊陰風蟬方嘒嘒何來一黃雀悄向淡枝翳捕
食宜已屢習此殊得計不知游俠兒挾彈且隨至美棗
多刺棘甘瓜抱苦蒂懷哉古人心撲滿殷勤寄

鸚語得人憐鵲聲得人喜人生無辨才何由悅眾耳津
津衛祝鮀截截淳子子用之雖害事聞之必稱美孔氏
雕宰子猶云信於始

漢家賣車騎肺附本來親二十侍中郎三十統三軍甲
明雞塞雪旗掃龍庭雲鼎犴山甫字碑刊班固文功成
報天子錫爵兼賜緡長者執金吾幼者光祿勳偏裨封
列侯諸校官舍人出入張羽葆樓臺耀金銀刺人屯衛

賞雨茅屋詩集 卷之一

中奪業沁水濱宗藩不敢怨貴主不敢嗔徒言比衛霍
衛霍豈其倫

吾愛草有藍雨露易為植油油秀盈圃不異眾卉色采
之盈一襜深衣遂成飾念彼唐棣華春來炫光澤羣芳
各掩燿宴賞窮日夕絕豔竟何成風雨自狼藉

幽壑始榮桂中塗不植蘭託根不得地何以經歲寒昔
有蔡中郎復聞陸平原乘風載清響高徹浮雲端鶴唳
竟空憶蟬鳴悲昔彈始知丹穴鳳寄食唯琅玕
子房誦陰符少作諸侯客舌本何澗翻如以水投石罟
遭赤帝子一見莫之逆進言良甚難知言豈易得或云

關運命聞者彌歎息

君子有嗜好與俗殊酸鹹易牙調五味迺獨投所甘兔
絲豈能織野馬不可驟蘭形而棘心妖麗惑魯男惜哉

一念蔽詎免終身慙

士能闕二氏是亦孟子徒闕之而不勝所病非真儒吾

觀佛老言心超萬物初矯矯絕聲利亦足矜庸愚學禪

若澄什學道如李少君盧生後起失厥意初祖不受誣

偽學久益滋浸假為奸汙但當人其人未可焚其書為

儒不修行流弊復何如

何處行路難巍巍太行山夸娥不能負疊石霄漢間夜

賞雨茅屋詩集

卷之一

三

凝斗杓轉朝愁日車翻嶙困復犖确百步千迴環穆王

駕八駿到此猶摧顏誰來齋重貴偃蹇驅駑馱一蹶鞭

不起良樂為悲潛嗟嗟非爾罪爾力誠已殫

吾觀水無心遇物皆委順鑿真由內足德大乃旁潤由

由風與俱澹澹月相印非無赴谷勇終俟盈科進衛郊

五丈夫負岳勞其軀汲灌輒終日不盈韭一區停車有

鄧析教以操轆轤一笑謝君子忘機存我愚

長歌遠遊曲載誦輕舉篇九州何偏側雙翼能飛翩朝

從鬱儀轉夕共結璘旋飢餐瓊藥香渴飲沆漉鮮仙官

不隸屬游戲以長年俯首窺蓬瀛渺若數點煙因怪西

王母何為在人間

人生累衣食各有別離端不怨君遠行但悲行路難苦
境皆自知難為室人言君歸縱能信展轉不獲安何如
老萊子有田耕蒙山委畚辭楚相妾心非所慳

十六國小樂府

前趙

後趙

白魚來鳳凰集赤龍去犬豕入司馬家兒家難多君家

骨日復如何遮須夷國常虛位不似人間紛變置

後趙

石言趙昌石徙趙亾發石太武葬石臨漳破車有犢負

賞雨茅屋詩集

卷之一

四

魚有羊誰噬虎腦維虎生狼

前燕

冠步搖禮章甫鑄銅駟鞭石虎太原王死吳王去六璽

三臺歸草付悲哉欲死先人墓

前秦

東海大魚化為龍食蒲應夢都關中興衰始末因慕容

收執執擘歸牢籠益州涼州盡提封意氣六合無豪雄

慧掃東井經太微魚羊食人人不知尾長翼短阿得脂

投鞭便欲填淮淝風聲鶴唳徒驚疑鳳凰已占梧桐枝

五將山中長得之此時緩急語阿誰

後秦

龍驤建業君所賜請君法堯禪舜位有虞安得此苗裔
鬼哭新平寺僧聚道遙園不審符姚因果如何言鎮惡
千軍夾渭水可憐佛念投牆死

蜀

江橋頭闕下市成都北門十八子歲在元宮自相尅桓
溫不慮攻難得往時常笑劉益州失卻天險真庸流如
何三十載讖又符譙周安樂公歸義侯

前涼

起家臥龍城敗家神雀觀家法竟不終河西亦多難北
賞雨茅屋詩集卷之一

五

伐疏何慷慨符命傳何誇張春秋一部成前涼北山楊
樹生松葉君可爲人臣妾不爲人妾

西涼

南逼傳檀北蒙遜彈丸黑子酒泉郡厥考述志詞何悲
兒不自守而乃伐人爲有葛縣縣槐鬱鬱異哉仙李他
年發李歆死後有子重耳奔江左後歸魏爲唐高七世祖

北涼

東稱藩北稱藩涼三十年若七年

後涼

童瞳子非常人積戈躍馬趨玉門玉門已西萬餘里名

王盡拜重瞳子歸自家號三河王龍璫麟祥作年紀重
瞳子婆樓有子君無兒言猶在耳憂兄弟兄弟桓桓竟
負之

後燕

鷹不可縱虎不可馴雀入燕室魚羊食人得脂得脂博
勞舊父長鞘馬鬣擊其左股擊左股登中山八萬騎葬
天門閒鳴臬食母一何暴月化爲龍非鼠盜

南涼

宣德堂中正酣燕傳檀仰屋而三歎此堂中夏十二主
作者不居悲古語古語誠可悲悲君夏有誰

賞雨茅屋詩集卷之一

六

南燕

有德者昌無德以徒河氣數三興王先庚後庚何不長

西秦

紇千山頭雀東飛西飛生處樂何異五谿臬鳥惡

北燕

天門啟雲氣生婦人御字入龍城龍城婦人一何豔驪
姬方死宋姬爛女化爲男臣作君雖有兄弟曾不如他
人鼠渡水西狼噪城外佛狸有馬盧龍無塞畢萬之後
不復大

夏

統萬城邊萬夫血鐵伐伐人銳如鐵射狐不中鐵終折
十國小樂府

吳

隋楊枯盡吳楊起廣陵楊花飛不止此樹奚爲常化李

南唐

如何青葛帷易以紅羅壁花發蓬萊紫衣成天水碧檀
來歌後五來歌宛洛軍聲頻渡河南朝自昔有同調不
誦瓊枝卽貝多

前蜀

王八來桑柘馨王一來煙花盛奉太后從太妃冠金冠

賞雨茅屋詩集

卷之一

七

衣雲衣翔禿鶯舞回鶻入草人入草物

後蜀

呼孟入題孟德前王灑翰延瓊壁榜趙主書趙民後王
帖子標長春蜀中文字何靈詭天道微茫有如此笑他
降表推李家悲絕宮詞誦花藥

南漢

不爲洛州刺史且作風流天子風流天子何可長執槌
願先去聲諸降王宴罷紅雲來白雨珠堂玉殿成焦土

楚

天策府裏丹沙香會春園中蘭麝芳主人平安坐八牀

夏立銅柱排銀槍東海鯉魚忽飛起羊子離羣復馬子
龍舉頭豕掉尾

吳越

龜頭官家狗腳朕鑪中兒輩紛紛盡傷舍錢生眞異人
開門節度長安枕公府不宥填西湖大第他時臨汴渠
可憐一局畱南宋浙臉還徵宮掖夢

閩

父開門節度使兒閉門假天子父爲佛金輪王兒爲仙
事實皇父會騎馬來兒復騎馬去村有桃林禾港有甘
棠樹

賞雨茅屋詩集

卷之一

八

荆南

左蠻右觸雲翻雨覆餽糠及米掠脂幹月無賴之人竟
策高足

北漢

雕青天子居然有自在將軍空復走臺駘澤畔雪紛紛
赤真人來一夜春一夜春重午節汾陽火似咸陽爇

哀鴻詩

哀鴻不得食逝彼天一方努力將其雛終焉棄道傷豈
無顧復意自念就死傷同死不忍見見之摧心腸不如
姑棄置萬一生可望其雛宛轉鳴四野爲悽愴

哀鴻不得食餓死在林麓旁復有羣鴻餐此死者日豈不傷其類生者暫充腹寧知究不免道路且相續

謁岳武穆王祠

塞外方愁馬角生小朝廷已定和盟夫差久自忘於越樂毅何能下莒城十載功銷三字獄一時哭徧兩河兵九原相見宗畱守幾許英雄熱淚傾

雨泊

慣道朔方苦不知江上寒兩旬淡霧雨孤艇落風湍颯颯蘆聲亂幢幢燭影殘關心慈母綫生怕客衣單

伊孝廉墨卿與余話舊感向者東郡之游而見於

賞雨茅屋詩集

卷之一

九

詩黯然奉答

昔游如夢思茫茫語向君前倍感傷樓上酒人明月夜雪中詩話聚星堂雛鴉畏晚尋巢急孤樹驚秋落葉涼莫問少陵舊詩卷不堪東郡弔城荒

曉過劉諫議祠

文章多忌諱非獨直言難況效賈生哭空悲湘水寒曙鳥嗁屋角殘月挂林端當日崇祠廟如聞待驛官

居庸關

九州奇險處從古有人平此地扼幽朔幾朝經戰爭風高酣萬谷雲重壓層城海外今騷動何由卻請纓時臺

警

宿懷來縣城外

孤城懸塞外孤客耐寒宵月上高山小風來大漠囂處窮身合賤嘗險氣渾銷忽念從軍苦戈船渡海遙

賀雨

維夏四月歲戊申吾

皇下詔憂斯民

詔云雨澤久愆候為民請命宜躬親朕率有司敢昭告上帝其鑒予一人桑林一禱應若神詰朝三尺甘膏均

羣臣稽首賀

賞雨茅屋詩集

卷之一

十

陛下

陛下誠意通蒼旻詎知感召不唯是臣煥敬請言其因前者吾

皇慮艱食京師平糶千百困昨聞郡國告荒歉緩徵逋賦頒新綸更宣司寇理畱獄欲令圍狴無哀呻此皆至

德動天鑑

聖主豈獨修精禋從今嘉瑞來應旬歲歲大有書史臣不須更說白居易詩陳賀兩元和春

哭兄五首

科名定何物而能使人死得之猶一呷不得迺至此哀

君二十年託命毛錐子西風無限淚滴作硯池水儒冠
竟誤身今日長已矣已矣平生心以誰爲知己

與君爲兄弟君長我四年聰明異姿稟人謂伯也賢從
君就塾師先我君著鞭弱齡十有五名補弟子員青紫
同拾芥謂在指顧閒聞之我母云君生非偶然誕君彌
厥月祖母方夜眠夢有青長虬矯首堂東偏明日抱孫
喜頭角眞嶄然望君大門戶君命何速適我才不如君
乃忝科第先

君性篤天顯師友親伯仲推讓及衣食撫摩到疾痛先
君蚤見背所恃憂患共我母年漸高甘旨況屢空兒輩

賞雨茅屋詩集

卷之一

十一

尙童癡未供典謁用兄念鞠子哀微名安足重云何一

朝念貽我如剝慟可憐春草生猶此西堂夢

憶君癸卯秋應舉在鄉國報罷還北來幾使蛟龍得會兄

於郵陽湖覆舟聞信一駭絕喜君有福澤平地倏波濤幽明竟

睽隔天乎抑人耶此理未能識人言君近年佞佛頗滋

惑浮名不能空佛法何所擇哀君憂惜君唯有淚沾臆

思君不能寐夜夢見君顏縱談極瑣屑無異平生歡歡

極夢忽迴搥牀但長歎地下儻有知悔恨眞漫漫庶鷄

來生緣更吹簾與壘蚤年博科第以破今生慳

哭妹

哭兄九月望汝已在牀簀汝哭不成聲汝命又何迫妹
於十月 贅婿淹一期翁姑未曾識生子纔四旬乳哺未
能寬息息一世入豈但如過客念汝聰慧性鮑妹才可
敵識字憂患始善懷自貽戚萬事不聽天人情曷有極
閔予遭多難憐憫老母側恐益老人悲吞淚暗悽惻汝
與兄若此何以慰孃憶明年歸汝喪魂依黃氏窆

悼黃甥

異哉汝又死更非我所期血淚餘幾何淋漓盡於斯汝
生未兩月汝母驟見遺汝父又南還死別兼生離無依
依乳媪汝尙懵不知汝誕彌厥月吾母爲歡怡金盤與

賞雨茅屋詩集

卷之一

十二

綳子爲汝摒擋之近日悼汝母見汝輒涕洟汝何生不

辰一病復長辭汝母有殯宮附葬於汝宜夜臺就懷抱

不解人間悲凶災慘相繼我慟何能持養汝不成人我

愧還復滋

登盤山

雄關壓鳥桓巨障當赤緊勢窮滄海迴色與碧天盡入
山皆怪石徧地無土墳石縫取微徑流泉若相引初聞
細竇中幽響咽秋蚓漸驚遠峯際晴晝雷殷殷漫天翻
雪車奔澗下虹朝豈其析木津此去泛槎近頑石忽玲
瓏水鑿其渾沌劔鑄窮萬變巧匠謝不敏蹴踏或獅象

騰拏或蛟蜃時時趁人來奮角張口吻其罅多生松小者如迸筍大者出拗枝奮怒不能忍高材久抑鬱逸態彌偃蹇風濤雜泉聲洶洶萬壑憤耳目紛可愕登降了無津甫欣出坎夷又駭面壁窘側身千仞淵一墜必齧粉闌歧復支離自笑類無脈絕嶺更緣棧細於溝上吟斗旋當礙杓日馭恐側軫有石倒懸空欲隕而未隕裊裊瓜絡架壘垂鐘在篋不知九霄上誰繫以長紉更有磐石微根若芝菌其重可千鈞烏獲愁絕臙一指輒搖動推詳理難允石閒開兩潭日月象天睽聞為龍所蟠未敢輕嗽吮浮圖裊當風岌岌如未穩憑闌一俯眺賞雨茅屋詩集卷之一

辛酉補刊

來路窮飛隼茲方本良維星次辰主賢茲山水石奇故是真精蘊幽都形勝地倚此作門闕川原莽轆轤都邑紛殷賑秦帝築長城唐宗屯甲盾得失何紛紜萬古一朝槿緬唯廣成子大道得元化空桐今在望羽節或當返又聞田先生于茲曾卜隱吾何為出山與俗同蠢蠢彭祖觀井歌
汴流交泗趨彭城城西有井傳老彭觀井之說吾何憑其圖見之陳靖銘井闌旁有高樹青背樹而立束以繩兩手扶杖身為凭此時窺井猶兢兢吁嗟此情宜服膺人心所忽災害乘沮洳常阻騏驎行世閒健者頗絕矜

海潮可弄河可馮何況區區溝澮盈老彭對之謝未能波瀾不起水一泓視若長江與滄溟萬一失足吁可驚危哉虎尾同春冰嗟予賦命賤且輕少年意氣殊縱橫乘風欲奔萬里程邇來歷事多變更但見險處心忪忪常行不敢踰谿院誦彭祖事尤當懲吾聞世有彭祖經其辭臺臺論養生又嘗茹芝餐桂英故井疑有丹沙凝所願服之延百齡

和劉澄齋同年聞蟬

此聲何苦太纏綿似有幽懷鬱不宣院落微涼疏雨後陂塘森木夕陽天一官清冷思田舍兩鬢蕭騷感歲年

賞雨茅屋詩集卷之一 辛酉補刊

幾處高枝棲得穩中郎心恁在琴絃

七月八日潞河買舟寄兄妹兩棺歸葬哭以詩

萬里秋風冷歸魂恐不禁繁霜慈母髮哀雁弟兄心已斷今生愛難將遠夢尋新阡誰為掃淚滴潞河波

木蘭從獵酬曹儷笙同年寄懷原韻

河如隴坂羊腸曲木蘭有河名羊腸天似穹廬雁塞寬曉拂霜華于帳溼夜明獵火四山寒才非獻賦空操管

恩許分鮮每壓鞍不負此行緣底事丹崖碧樹飽經看

十二月二十八日得朝鮮檢書朴齊家音問以詩

答之并寄柳檢書得恭